



Республикалық жастар газеті

# Ақмешіт ЖАСТАРЫ

...Мен жастарға сенемін!




Мағжан



№12 (549)  
21 наурыз,  
2024 жыл

Газет 2013 жылдың қыркүйек айынан бастап шығады



## ҚОШ КЕЛДІҢ, ӘЗ-НАУРЫЗ!

Қытымыр қыстағы қалың қардың сықыры, суықтың сызы кетіп, жер-дүниенің жаңарып, табиғаттың түрлене түсетін мерекесі – Наурыз. Ырыс көбейеді деп ырымға жоритын халқымыз наурыз айын ерекше айшықтап, «Ұлыстың ұлы күні» деп атау берген. Бауырмалдық пен бірліктің байлыққа бергісіз бағасы бағамдалатын ай да Наурыз. Аузы аққа тигеніне, малдың төлдегеніне мейлінше қанағат етіп, қуана алатын халықтың жасар тойы да бөлек, думаны да ерекше. Ұлыстың ұлы күніне орай Сыр өңірінде 700-ге жуық, ал Қызылорда қаласында 100-ден аса мерекелік шара өткізілмек. Тіпті төл мерекені тойлау басталып та кетті.

– Бүкіл Шығыс халқына ортақ, сан ғасырлық тарихы бар Наурыз мейрамы – жаңарған қазақ елінің кешегі мен бүгін, ертеңі мен болашағын жалғастыратын басты мерекеміз. Биылғы мерекелік шараларда ҚР Президенті Әкімшілігі тарапынан бекітілген тұжырымдаманы және ҚР Ақпарат және қоғамдық даму министрлігі тарапынан берілген ұсыныстарды басшылыққа алып, жұмыс атқарылуда. Төл мерекемізді тойлаудың жаңа дәстүрін қалыптастырып, оның мазмұнын идеологиялық мәнмен байыту үшін жыл сайын 14 – 23 наурыз аралығында өткізілетін Наурызнама онкүндігін жариялап, оның әр күнін белгілі бір тақырыпқа арнадық. Қалаға қарасты кент, ауылдық округтерде, қаланың барлық шағын аудандарында, білім, спорт, мәдениет ошақтарында түрлі сипатта шаралар өткізіледі, – деді қалалық мәдениет және спорт бөлімінің басшысы Жағыпар Тажмаханов.

4-бет



## ДӘСТҮР МЕН ДІН

### БАБАЛАР ІЗІМЕН ДӘРІПТЕЛЕДІ

Күллі мұсылман асыға күтетін ізгілік пен мейірім айы – Рамазанның алғашқы онкүндігі де өтті. Айлардың сұлтаны саналатын бұл уақыт аралығында адамзат баласына қасиетті Құран түскен. Нәсі тәрбиеленіп, күнәлар кешірілетін осы мерзімде мың айдан да қайырлы Қадір түні бар. Сондықтан да Алланың мейірімінен үміт ететін, жалған дүниенің сынақ екенін сезінетін жандар Рамазанды жай күндердей өткізбеуге тырысады.

**СУХУР ЕМЕС – СӨРЕСІ, ИФТАР ЕМЕС – АУЫЗАШАР**

Жастардың арасында да ғибадатқа бейкамдық танытпай, ораза ұстап, ішіп-жеуден бөлек зиянды әдеттен тыйылып, «өзін жеңетіндердің» көбейгені қуантады. Тек кейінгі

буынның сөздігінде сәресінің сухурға, ауызашардың ифтарға айналып кеткені алаңдатуда. Бұл мәселеге Қазақстан мұсылмандары діни басқармасының төрағасы, Бас мүфти Наурызбай қажы Тағанұлы арнайы тоқталды.

2

## ТҰТЫНУШЫ ҚҰҚЫҒЫ ҚАЛАЙ ҚОРҒАЛАДЫ?

Қызылорда облысы бойынша сауда және тұтынушылардың құқықтарын қорғау департаментіне өткен жылы 368 өтініш түскен. Ал биыл қаңтар-ақпан айында департаментке 82 өтініш келіпті. ҚР Сауда және интеграция министрлігінің Қоғамдық кеңесінің отырысында тұтынушылардың құқықтарын қорғау комитетінің төрағасы Асқар Тынысбеков республика көлемінде 2023 жылы 50 866 өтініш қаралғанын, бұл өткен жылмен салыстырғанда 168,6%-ға өскенін баяндады.


### ТАРИХ ТАҚТАСЫ

15 наурыз – дүниежүзілік тұтынушылар құқығын қорғау күні. Алғаш рет 1983 жылдың 15 наурызында атап өтіліп, халықаралық күнтізбеде бекітілген. Наурыз айындағы атаулы күн туралы түрлі дерек бар. Солардың бірінде АҚШ Президенті Джон Ф.Кеннедидің 1962 жылы Конгресте сөз сөйлеуінің құрметіне бекітілді делінген. Президент баяндамада тұтынушының негізгі төрт нәрсеге – қауіпсіздік, ақпарат алу, таңдау, тыңдау құқығы барына назар аударған.

Жыл сайын Дүниежүзілік тұтынушылардың құқықтарын қорғау күні белгілі бір ұранмен өтеді, бұл басты проблемалы бағыттарға назар аударуға мүмкіндік береді. Мәселен, 2023 жыл «Таза энергияға көшу арқылы тұтынушылардың мүмкіндіктерін кеңейту» деп жарияланды. Ал осы жылы жасанды интеллекттің мүмкіндіктерін ескере отырып, «Тұтынушылар үшін әділ және жауапты жасанды интеллект» ұранымен өткізу туралы шешім қабылданды.



3



Белгілі бір аудиторияға арналған жарнаманың бұл түрі туралы әлеуметтік желіде күнделікті естиміз. Кәсіпкерлер қазір таргетсіз жұмыс істемейді. Интернетте де нағыз табыс көзіне айналған бұл қызметті үйренгісі келетіндер көбейген. Бұған не себеп екенін және таргетинг ұғымын бірге талқылап көрейік.

Таргет – мақсатты аудиторияға арналған интернет маркетинг. Барлығына бірдей жарнамаланбайды. Тек таңдаулы тауарға сұраныс білдіргендер үшін ғана көрінеді. Facebook және Instagram желілері арқылы таргет шығару сұранысқа ие. Жалпы тілмен айтқанда, кәсіпкер мен тұтынушы арасындағы «алтын көпір». Таргетті оқу құны жоғары, себебі құйған ақшаның еселеніп қайтады. Дегенмен таргет әлемнің қай жерінде болсын сіздің өніміңіздің жариялануын қадағалайды. Төрткіл



дүниенің түкпірінен сіздің өніміңізге деген сұраныстың артуы әбден мүмкін.

3-бет

Ұлттық ойындар – ерте заманнан қалыптасқан дәстүрлі ойын-сауықтардың бір түрі. Оның бастауы тым тереңде, ғасырлар қойнауында жатыр. Оған қоса қазақ ойындары өскелең ұрпақты тәрбиелеудің тиімді тәсілі.



## ҰЛТТЫҚ СПОРТ: ҚАЗАҚ ОЙЫНДАРЫНЫҢ ҚАСИЕТІ

Әрбір халықтың тарихына, өмір тіршілігіне, салт-дәстүріне қатысты ұлттық ойындары болады. Қазақ халқының да салтында бар, санасына сіңген ұлттық ойындары аз емес. Негізінен басым көпшілігі аңға, төрт түлікке байланысты

туындаған ойындар зеректікті, ептілікті және икемділікті қажет етеді. Этнограф ғалымдардың пайымдауынша, ата-бабаларымыздан бізге жеткен ұлттық ойындарымыздың тарихы Қазақстан жерінде біздің заманымыздан бұрынғы бірінші мыңжылдықта-ақ

қалыптасқан. Олардың ішінде тоғыз-құмалақ, қуыршақ, асық ойындары Азия елдерінде тайпалық одақтар мен алғашқы мемлекеттерде кеңінен тараған. Біздің қоғамымыздағы ұлттық ойындардың негізгі шығу тегі халқымыздың көшпелі дәстүрлі шаруашылығынан бастау алады.

7











# ҰЛТТЫҚ СПОРТ: ҚАЗАҚ ОЙЫНДАРЫНЫҢ ҚАСИЕТІ



коймай, денсаулығын жақсартушы бірден-бір пайдалы дүние екенін мойындаған. Осы ретте ел ішінде кең таралған ойындарға тоқталсақ.

**Көкпар** – ұлттық ат спорты ойындарының бірі. Ойынның атауы «көк бөрте» (лақ) сөзінен шыққан. Дәстүрлі қазақ қоғамында

көкпарға жасқа толған серкенің семізі таңдалған. Семіз серке терісі жыртылмайды. Орташа салмағы 70-80 келідей болады. Басқа малдың терісі жыртылғаны болғандықтан көкпарға тартпайды.

**Көкпар** – Орта Азия халықтары арасында кең тараған ойын түрі. Ол қырғыз, өзбек тілінде «Улак тартыш», тәжік тілінде «бузқашы» деп аталады. Көкпар тарту сияқты ұлттық ат спорты ойындары басқа Шығыс елдерінде де бар. Ауғанстанда кең тараған «бузавиш» ойыны – көкпарға өте ұқсас. Сондай-ақ Аргентина халқының да көкпарға ұқсас ат спорт ойыны болған. Көкпар жігіттердің күш-жігерін, төзімділігін, батылдығы мен ептілігін, ат үстінде мығым отыруын қалыптастырады.

Сонымен қатар көкпар аттың қалай бағталып үйретілгенін, жүйріктігін де сынайтын спорт. Көкпар жаппай және дода тартыс болып екіге бөлінеді. Жаппай тартыста әркім көкпарды өзі иелік етуге тырысады. Дода тартыста құрамы бірдей екі топ сығна түседі. Мұны кейде «марта тарту» деп те атайды.


**Бәйге** – ұлттық спорт ойындарының бір түрі. Ат спортының бұл түрі түркі тектес басқа халықтарда да бар. Мысалы, бәйге өзбектерде «пайга», қырғыздарда «чабыш» деп аталады. Кейбір деректер бойынша, XV ғасырдың 70-жылдарында Керей мен Жәнібек сұлтандар Қазақ хандығын құрғанда, Шу өзенінің жағасында, «Тұлпарсаз» деген жерде бәйге ұйымдастырған.

салыстырғанда қазақша күрестің өзіндік ерекшеліктері көп.

Кеңес дәуіріне дейін қазақша күрес негізінен әдет-ғұрыпқа байланысты және еңбек процестерінде жеткен жетістіктерін дәріптейтін жиын-тойларда өткізілді. Бұрын қазақша күрес «күш атасын танымайды» деген түсінікпен салмағына, дәрежесіне, жасына қарамай өткізіле берген. Тіпті, ағасы мен інісі күрестіп қалатын кезі де болған. Сондай-ақ күрестің белгілі бір жүйеге түскен белдесу ережесі де болмаған. Күреске түскендер үлкен-кішілігіне қарамай, қайсысы күшті болса, сол жеңіске жеткен. Жиын-тойларда ғана күш сынасып қоймай, кім жеңеді деп егеске түскен екі балуан кездескен жерде ат үстінен түсе қалып, белдесе кететін болған. Ел ішінде атактары жайылған Қажымұқан, Балұан Шалақ, Битабар секілді белді балуандар көп болған.

**Жамбы ату** – қазақ халқында кең тараған мергендік сынның, ат үстіндегі ойын түрі. Аппен шауып келе жатып жігіттер екінін бәсеңдетпестен құрулы бақан үстіндегі нысананы атып құлатуға тиіс болған. Ереже бойынша жігіттер сәреде өз сәйгүліктерінің жанында болады. Ойын қазақтың ата тегінен бері келе жатқан, болмааса аңшылық кәсібінен қалған, келе-келе көз ұшындай жерге жамбы тігіп, соны атағын, көңіл көтеретін, бүкіл жұрт болып қызықтайтын ұлттық ойынына айналған. Бұл ойын халықтың ұлттық ерекшелігін көрсетеді. Қазақтар жамбыны ат үстінде тұрып, болмаса шауып келе жатып қана атқан. Төреші белгі берісімен олар аттарын тез ерттеп, шаба жөнеліп, жолындағы нысаналарды атып құлатуға тиісті. Төрешілердің ұйғарымы бойынша, бірнеше нысана болады. Әрбір олимпиадалық ойындардан кейін оның бағдарламаларына енген спорт түрлерінің халықаралық бірлестіктері қайта қарап, түзетулер, өзгерістер енгізіп жүр. Қазір уақыт басқа. Қазақ халқының ұлттық спорт түрлерінің ережелерін де қайта қарап, заман талабына сай өзгертуге болады. Мысалы, жамбы ату биатлонның ережесіне сай өзгертуге келеді. Тек шаңғының орнына ат керек. Сонда жаңа спорт түрі жазғы биатлон, «қазақ биатлоны» өмірге келер еді.

**Теңге ілу** – бозбала мен жігіттердің аппен ойнайтын ойыны. Көбіне қыз ұзату және сүңдет той думанында кездеседі. Жігіттің мықтылығы, ат үстіндегі әрекеті, денесін игеруі мен ептілігі сыналады. Теңгені іліп ала алмай, аттан ауып қалып жататындар да көп болады. Кейде бір ауылға келін ұзағырақ жылдардан кейін түсіп, беті ашылғаннан кейінгі сайранда ырым үшін де ойналады.



Осы кезден бастап бәйге қазақ халқының алқалы жиындарының ажырамас құрамдас бөлігіне айналған.

Бұрын бәйгеге қосылған аттар түстік, күндік жерге, ұзақ қашықтықтарға шабатын. 1957 жылы Қазақстанда қабылданған ереже бойынша құнан бәйге 1200, 1500, 1600, 1800, 2000 метр, дөнен бәйге 2400, 3000, 3200, 4000, 4800 метр, аламан бәйге 5000, 8000, 10000 метр қашықтықта өткізіледі. Көбінесе қашықтық төрешілер алқасының шешімі бойынша бәйге алаңының айналым ұзындығына байланысты белгіленеді.

**Аударыспақ** – спортшыдан үлкен ептілікті, күштілікті, төзімділікті пен батылдықты талап ететін ұлттық спорттың бір түрі. Аударыспаққа тәртіп бойынша ат үстіндегі айқасты жақсы меңгерген, тиянақты дайындығы бар спортшылар ғана қатыса алады. Ал дайындығы жеткіліксіз, тәжірибесі аз спортшылар үшін бұл өте қиын спорт түрі. Сондықтан қазіргі тәртіп бойынша сайысқа 18 жасқа толғандар ғана қатыстырылады. Сайысқа қатысушылар үш салмақ дәрежесіне бөлінеді. Аударыспақта салмақ дәрежесіне бөлудің мақсаты – қатысушыларға неғұрлым теңдік жағдай туғызу. Бұл категорияға бөлу соңғы кезде қалыптасты. Ертеде кез келген тілек білдіруші өз еркімен қатыса беретін болған. Ойында тұлпары белді, жарамды, өзі мықты, атқа отырысы мығым, білекті жігіттер жеңіп шығады. Сайып келгенде, аударыспақта негізгі рөлді ат пен ойыншы жігіттер атқарады. Оспаларлық, жұла қашу, салып қалу, қол қайыру сияқты айла-амалдарды қолдануға болмайды. Аударысу ат пен жігіттің үндескен қимыл-бірлестігіне сүйеніп отырып, күш-жігердің басымдығын көрсететін қалыпты, байсалды шеберлікке ұласып жатуы шарт.

**Қазақша күрес** – қазақ халқының ерте кезден қалыптасқан спорттық ойындарының бірі. Басқа халықтардың ұлттық күрес түрлерімен

## ЖУРНАЛИСТЕР НАУРЫЗ МЕЙРАМЫН АТАП ӨТТІ

Ұлыстың ұлы күні – Наурыз мерекесі қарсаңында «Сыр медиа» ЖШС ұжымы атаулы мейрамды лайықты деңгейде атап өтті.



Директордың міндетін атқарушы Марат Арабаев жиналғандарды мерекемен құттықтады. Серіктестік ұжымы шара барысында ұлттық ойындардан сайысқа түсті. Салт-дәстүрімізді қайта жаңғыртып, жас ұрпаққа үлгі етті.

Ұлттық киім киген журналистер арқан тартыс, қол күрес, кір көтеру мен ләңгі тебу секілді ойындарға белсене қатысты. Атап айтқанда, арқан тартыстан «Ақмешіт жастары» газеті ұжымына ешкім қарсы тұра алған жоқ.

Ал қол күрестен жігіттер арасында «Сыр медиа» ЖШС әкімшілік бөлімінің басшысы Бақытжан Шайхназаров үздік деп танылса, қыздар арасындағы қол күрестен «Қызылординские вести» газетінің тілшісі Перизат Абдулазисова жеңімпаз атанды.

Кір тасын көтеруден «Ақмешіт жастары» газетінің тілшісі Мақсат Қосымбаев үздік нәтиже көрсетсе, ләңгі тебуден «Қызылординские вести» газетінің бас редакторы Жәнібек Исаев қарсыласарын қапы қалдырды. Шара соңында журналистерге ауызашар ұйымдастырылып, бас тағам – наурыз көже ұсынылды.

## АҒАЙЫНДЫЛАР ЖҮЛДЕГЕР АТАНДЫ

Елордада самбо күресінен өткен «Sambo ligа» турнирінен ағайынды жас спортшылар жүлдемен орады. Мықтылық пен ептілік сыналатын сайыста Рамазан Кәрімханов II орын, Азамат Кәрімханов III орын иеленді.



Спортшылардың кішісі Рамазан Қызылжарма ауылындағы №144 мектептің 4 сыныбында білім алса, үлкені Азамат «Орда» колледжінде денешынықтыру мамандығында оқиды. Екеуін де самбо күресінен жоғары дәрежедегі жаттықтырушы Әйгерім Жалғасова 5 жасынан бастап спортқа баулыған.

– Самбо көптеген ұлттық күрес түрлерінің әдіс-тәсілі жинақталған спорттың бірі. Мұнда шабуыл жасау мен қорғанудың мыңдаған әдісі бар. Күрестің бұл түріне інім екеуіміз бала кезден қызықтық. Алғашында дзюдоға қатысқаныммен, кейін самбомен айналысуды жөн көрдім. Қазіргі уақытта елімізде өтетін чемпионатқа іріктеу жұмыстары жүргізілуде, – деді Азамат Кәрімханов.

Бүгінде ағайындылар ҚР спорт шеберлігіне үміткерлікке құжат тапсырды. Спорт биігіне ұмтылған жастардың бағындырар белесі көп деген сенімдеміз.

## ОЛИМПИАДАЛЫҚ САЛМАҚТА ТОП ЖАРДЫ

Сербия астанасы Белградта бокстан дәстүрлі Бранко Пешич мемориалы мөресіне жетті.



Қазақстандық боксшылар 4 алтын, 4 күміс медальмен жалпы есепте бірінші орынға шықты.

Сегіз боксшымыз финалда жұдырықтасып, оның төртеуі қарсыласқа есе жіберген.

Belgrade winner турнирінде жүлдегер атанған Қазақстан боксшылары: Алтын: Ернұр Қайрат (48 келі), Санжар Төшенбай (51 келі), Дәулет Молдашев (54 келі), Диас Молжігітов (75 келі);

Күміс: Сабыржан Аққалықов (71 келі), Ерасыл Жақпеков (80 келі), Данияр Рақымбердиев (92 келі), Олжас Боқаев (+92 келі).

Бетті өзірлеген  
Мақсат ҚОСЫМБАЕВ

